

Izveštaj o radu MUP-a Kantona Sarajevo za 2015. godinu

KRIMINALITET

Kriminalitet na području Kantona Sarajevo u 2015. godini u odnosu na 2014. godinu, posmatrano kroz statističke pokazatelje, karakteriše smanjenje broja registrovanih krivičnih djela za 10,6%, prijavljenih lica za 5,9%, maloljetnih izvršilaca za 46,3% i povratnika u činjenju krivičnih djela za 3,6%, dok je broj lica lišenih slobode povećan za 0,5%. Ukupna rasvijetljenost krivičnih djela je iznosila 64,2% što je za 1,3% više u odnosu na prethodnu godinu.

Naime, registrovano je 5.551-no krivično djelo, što je za 657 djela ili 10,6% manje nego u 2014.godini.

U 1.853 slučaja (33,4% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 3.698 krivičnih djela (ili 66,6%), prijavljeno je po nepoznatom izvršiocu, od kojih je 1.710 naknadno rasvijetljeno (ili 46,2% od ukupnog broja prijavljenih djela po nepoznatom izvršiocu).

Ukupno su rasvijetljena 3.563 krivična djela ili 64,2% što je za 1,3% više u odnosu na prethodnu godinu.

Za izvršenje navedenih djela prijavljena su 2.792 lica, od kojih je 1.867 povratnika u činjenju krivičnih djela (ili 66,9% prijavljenih), 72 maloljetnika, a 1.318 lica je lišeno slobode (ili 47,2%).

U odnosu na 2014. godinu, manji je broj prijavljenih lica za 174 (ili 5,9%), maloljetnika za 62 (ili 46,3%), povratnika za 69 (ili 3,6%) dok je povećan broj lica lišenih slobode za sedam (ili 0,5%).

Takođe zbog postojanja osnova sumnje da su počinili krivična djela u 2015. godini prijavljena su 34 strana državljana (19 više) i 27 lica sa područja RS-a (19 više).

Usporedni pokazatelji kriminaliteta na području Kantona Sarajevo u 2015/14. godini prema glavama Krivičnog zakona FBiH-a i BiH-a

KRIVIČNA DJELA	2015. godina	2014. godina	uporedba br.KD		"rasvijetljenost" KD u 2015.godini	
			+ / -	%	br.KD	%
Protiv ustavnog poretka Federacije	1	0	1	---	0	0%
Protiv života i tijela	166	189	-23	-12,2%	154	92,8%
Protiv slobode i prava čovjeka i građanina	146	174	-28	-16,1%	144	98,6%
Protiv spolne slobode i morala	26	15	11	73,3%	25	96,2%
Protiv braka, porodice i mladeži	271	295	-24	-8,1%	271	100%
Protiv zdravlja ljudi	312	332	-20	-6%	312	100%
Protiv privrede, poslovanja i sigurnosti platnog prometa	10	11	-1	-9,1%	10	100%
Protiv radnih odnosa	1	0	1	---	1	100%

Protiv imovine	3.937	4.551	-614	-13,5%	2.020	51,3%
Protiv okoliša, poljoprivrede i prirodnih dobara	13	7	6	85,7%	12	92,3%
Protiv opće sigurnosti ljudi i imovine	164	117	47	40,2%	102	62,2%
Protiv sigurnosti javnog prometa	89	64	25	39,1%	87	97,8%
Protiv pravosuđa	39	26	13	50%	54	138,5% ¹
Protiv javnog reda i pravnog prometa	249	319	-70	-21,9%	244	98%
Protiv podmićivanja i KD protiv službene i druge odgovorne dužnosti	16	15	1	6,7%	16	100%
Protiv sistema elektronske obrade podataka	1	0	1	---	1	100%
Protiv privrede i jedinstva tržišta te krivična djela iz oblasti carina (KZ BiH)	2	6	-4	-66,7%	2	100%
ZONDINOIM -a Zakon o nabavljanju, držanju i nošenju oružja i municije (Sl.novine KS br.38/07)	108	87	21	24,1%	108	100%
UKUPNO	5.551	6.208	-657	-10,6%	3.563	64,2%

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U toku 2015. godine prijavljeno je 166 krivičnih djela protiv života i tijela (23 manje u odnosu na 2014.godinu).

Zbog postojanja osnova sumnje da su počinili djela iz ove oblasti podneseni su službeni izvještaji protiv 196 lica (deset manje), od kojih je 116 povratnika ili 59,2% (osam više), a 84 su lišena slobode (18 više).

Evidentirana su slijedeća krivična djela: - ubistvo iz člana 166. KZFBiH-a – šest djela (jedno manje), ubistvo u pokušaju – osam (tri manje), teška tjelesna ozljeda – 81 (25 manje), lahka tjelesna ozljeda – 64 (sedam više), učestvovanja u tuči – pet (tri manje), ubistvo u sačiniteljstvu i podstrekavanju i teška tjelesna ozljeda u pomaganju - po jedno djelo (nije bilo ovih djela u prethodnoj godini).

Ukupno su rasvijetljena 154 ova djela ili 92,8% (0,7% više u odnosu na 2014. godinu).

Krivična djela **ubistva** (šest djela) izvršena su upotrebom vatrenog oružja - četiri puta, upotrebom noža i gaženjem putničkim-motornim vozilom - po jednom.

Krivična djela **ubistvo u pokušaju** (osam djela) izvršena su upotrebom vatrenog oružja - šest puta, te upotrebom noža i namjernim udaranjem putničkim-motornim vozilom - po jednom.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 146 djela (28 manje) i to: - ugrožavanje sigurnosti – 138, protupravno lišenje slobode - četiri, neovlašćeno optičko snimanje - dva, neovlašćeno prisluškivanje i zvučno snimanje i narušavanje nepovredivosti doma – po

jedno djelo, a zbog izvršenja navedenih djela prijavljena su 153 lica od kojih je 100 povratnika u činjenju krivičnih djela (ili 65,3%), a 52 su lišena slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je 26 djela (11 više) i to: bludne radnje - 12 djela, silovanje - pet, iskorištavanje djeteta ili maloljetnika radi pornografije - četiri, prinuda na spolni odnošaj i upoznavanje djeteta s pornografijom – po dva i spolni odnošaj s djetetom - jedno djelo.

Zbog postojanja osnova sumnje da su počinili djela iz ove oblasti podneseni su službeni izvještaji protiv 29 lica, a 16 je lišeno slobode.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 271-no krivično djelo (24 manje) i to: nasilje u porodici - 260, izbjegavanje izdržavanja - šest, oduzimanje djeteta ili maloljetnika - četiri i zapuštanje ili zlostavljanje djeteta ili maloljetnika - jedno djelo. Službeni izvještaji podneseni su protiv 268 lica od kojih je 147 povratnika ili 54,8%, a 160 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 335 lica (dva više), od kojih je 217 povratnik (ili 64,8%), a zbog postojanja osnova sumnje da su počinili 312 krivičnih djela (20 manje) i to:

- neovlašćena proizvodnja i stavljanje u promet opojnih droga –54 djela (sedam manje)
- posjedovanje i omogućavanje uživanja opojnih droga – 258 djela (devet manje).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 75 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu ("Marihuanu", „Amfetamin“, „Heroin“, „Hašiš“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, te protiv 260 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**. Zbog zloupotrebe opojnih droga 216 lica je lišeno slobode (35 više).

Podneseno je 90 zahtjeva za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo (44 manje). Takođe s ciljem pronalazjenja narkotičkih sredstava izvršen je pregled 204 lica (64 više), 72 stambena objekta (devet više) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	2015.GODINA	2014. GODINA
Marihuana (u gramima)	19.742,82	9.746,30
Marihuana (paketići)	473	188
Marihuana (JOINT - cigarete)	12	18
Heroin (paketići)	94	19
Heroin (u gramima)	629	1.102,83
Amfetamin (paketići)	107	89
Amfetamin (u gramima)	5.623,59	13.836,767
Hašiš (paketići)	2	2
Hašiš (u gramima)	1.649,86	---
Cannabis (stabljike)	40	98
Cannabis (sjemenke)	80	50
Kokain (paketići)	---	1
Ecstasy (tablete)	321	44
Heptanon/Metadon (tablete)	10	580
Heptanon/Metadon (solucija)	3 bočice	1 bočica
Suboxone (tablete)	57	1
Mofrij (solucija)	---	½ bočice
Fluotman	---	½ bočice - anestetik
Morapid (tablete)	---	37
Kapanol (tablete)	---	8
"MIX" masa za heroin	oko 10 kg	---
Pribor sa ostacima droge (komada)	59	73

Tokom 2015. godine pripadnici Uprave policije sproveli su niz efikasnih akcija na presijecanju "lanaca" trgovine opojnim drogama, što je rezultiralo zaplijenom veće količine opojnih droga „Marihuane“ – 19,7 kg „Amfetamina“ – 5,6 kg, „Hašiša“ - 1,6 kg, „Heroina“ - 0,6 kg, itd., te identifikacijom i lišenjem slobode 75 lica iz člana 238. KZ FBiH-a – Neovlašćena proizvodnja i stavljanje u promet opojnih droga.

KRIVIČNA DJELA PROTIV PRIVREDE, POSLOVANJA I
SIGURNOSTI PLATNOG PROMETA

Iz oblasti krivičnih djela protiv „privrede“ registrovano je deset krivičnih djela (jedno manje) i to: obmana pri dobijanju kredita i drugih pogodnosti - pet, prijevara u privrednom poslovanju - dva, zloupotreba ovlasti u privrednom poslovanju, odavanje i neovlašćeno pribavljanje poslovne tajne i zloupotreba ovlasti u privrednom poslovanju - po jedno djelo za čije je izvršenje je prijavljeno 11 lica.

Takođe, od strane službenika Odjeljena za privredni kriminal tokom 2015. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to:

- pronevjera u službi - sedam djela – krivotvorenje isprave i zloupotreba položaja ili ovlašćenja - po šest, prijevara - četiri, posebni slučajevi krivotvorenja isprave i ovjeravanje neistinitog sadržaja - po tri, krivotvorenje novca – dva, itd., a koja su prijavljena tokom 2015. godine, nastupila je materijalna šteta u ukupnom iznosu od 675.440,78 KM i 17.900,00 €.

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 70,9% ukupnog kriminaliteta. Naime, tokom 2015. godine registrovano je 3.937 ovih djela što je za 614 ili 13,5% manje u odnosu na 2014. godinu.

Najbrojnija djela iz ove oblasti su: teške krađe – 2.311 (356 manje), krađe – 578 (158 manje), razbojništva – 587 (12 manje), oštećenje tuđe stvari – 168 (23 manje), prijevarena – 47 (77 manje), teška krađa u pokušaju – 72 (tri više), utaja – 59 (sedam više), prikrivanje – 28 (isti broj djela), itd.

Za ukupno 2.020 djela ili 51,3% identifikovani su osumnjičeni izvršioci, što je za 0,3% više u odnosu na uporednu godinu.

Objekti napada pri vršenju krivičnih djela protiv imovine najčešće su bila motorna vozila (otuđenja motornih vozila i “provale” u ista) – 1.019 (213 manje), zatim stambeni objekti – 652 puta (124 manje), prodavnice i drugi poslovni prostori 522 (40 više), na ulici 94 (149 manje), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, kozmetika, željezni i aluminijski profili, ogrijevno drvo, itd.

U toku 2015. godine na području Kantona Sarajevo izvršeno je 728 krivičnih djela teških krađa motornih vozila, od čega je 207 ili 28,4% pronađeno i vraćeno (od strane policije MUP Kantona Sarajevo vraćeno je 69 vozila, MUP-a RS-a – 41, drugih MUP-ova – 14, uz novčanu nadoknadu – četiri i 79 vozila vlasnici su sami pronašli).

U odnosu na uporednu godinu broj otuđenih vozila, smanjen je za 97 ili 11,8%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 55 lica (osam više) od kojih je 49 povratnika (ili 89,1%).

U mjesecu januaru 2015. godine službenici Uprave policije MUP-a KS lišili su slobode i nadležnom tužilaštvu podnijeli službene izvještaje protiv ukupno sedam lica zbog postojanja osnova sumnje da su kao članovi grupe ljudi udruženih sa ciljem činjenja krivičnih djela, zajedničkim djelovanjem vršili otuđenja motornih vozila u Kantonu Sarajevo, te iznudu novca za povrat istih, čime bi počinili krivično djelo **iz člana 342. KZ FBiH – Organizirani kriminal.**

Na području Kantona Sarajevo u 2015. godini registrovano je 587 krivičnih djela razbojništva (12 ili 2% manje).

Razbojništva su počinjena u prodavnicama i drugim poslovnim prostorima - 262 puta (16 manje), u sportskim kladionicama – 113 (13 manje), na ulici – 161 (17 više), itd. Navedena djela izvršena su prijetnjom upotrebe i upotrebom vatrenog oružja, ručne bombe i sl. – 271 puta (26 manje), prijetnjom i upotrebom noža ili drugog oštrog predmeta (komad stakla, šarafciger i sl.) – 196 (32 više) i upotrebom fizičke snage – 120 puta (18 manje).

Ukupno su rasvijetljeno 293 ova djela ili 49,9%, što je 10% veća rasvijetljenost u odnosu na prethodnu godinu, a za izvršenje su prijavljena 163 lica (26 više), od kojih je 135 povratnika (ili 82,8%), a 94 je lišeno slobode (23 više).

Broj teških krađa na naročito opasan ili naročito drzak način u odnosu na uporednu godinu neznatno je povećan i to za jednu ili 0,6%. Naime, evidentirana su 173 ova djela u kojima su izvršioci, upotrebom fizičke snage – 124 puta, te verbalnom prijetnjom u 49 slučajeva, otimali mobitele, nakit i novac.

Ukupno je rasvijetljeno 109 ovih djela ili 63%, što je za 6,8% manje, a za izvršenje ovih oblika teških krađa, prijavljeno je 58 lica (dva više), od kojih je 49 povratnika (ili 84,5%), a 31-no je lišeno slobode (šest više).

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 164 djela (47 više) i to: izazivanje opće opasnosti – 137 djela, nesavjesno čuvanje pasa i drugih opasnih životinja - devet, teška krivična djela protiv opće sigurnosti ljudi i imovine i uništenje ili oštećenje važnih privrednih objekata ili javnih naprava - po šest, izazivanje opće opasnosti u pomaganju - dva, nepropisno i nepravilno izvođenje građevinskih radova, izazivanje opće opasnosti u pokušaju, izazivanje opće opasnosti u saučiniteljstvu i teška krivična djela protiv opće sigurnosti ljudi i imovine u saučiniteljstvu i podstrekavanju - po jedno djelo.

Krivična djela izazivanja opće opasnosti (137 djela) izvršena su 126 puta na otvorenom prostoru, šest u stambenom, četiri puta u ugostiteljskom objektu i jedno u pomoćnom objektu - šupi. U 50 slučajeva pucano je iz vatrenog oružja, 59 puta je otvorenim plamenom izazvan požar u 25 slučajeva aktivirana je nepoznata eksplozivna naprava u dva slučaja identifikovana su i procesuirana tri lica za koje postoje osnovi sumnje da su putem telefona uputila lažne dojave o postavljenim bombama i u jednom slučaju nepravilno su izvođeni građevinski radovi u neposrednoj blizini dalekovoda. Posljedica izvršenja navedenih djela je ranjavanje sedam i samoranjavanje dva lica te nastala materijalna šteta i uznemirenost građana.

Zbog postojanja osnova sumnje da su počinili djela iz ove oblasti nadležnom tužilaštvu podneseni su službeni izvještaji protiv 89 lica, od čega su 53 povratnika, a 45 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 249 krivičnih djela (70 manje) i to: nasilničko ponašanje - 122 djela, nedozvoljeno držanje oružja ili eksplozivnih materija – 56, krivotvorenje isprave – 27, napad na službenu osobu u vršenju poslova sigurnosti – 18, sprječavanje službene osobe u vršenju službene radnje - devet, ovjeravanje neistinitog sadržaja – šest, samovlašće - četiri, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 261-nog lica, od kojih su 174 povratnika ili 66,7%, a 92 su lišena slobode.

KRIVIČNA DJELA POČINJENA OD STRANE MALOLJETNIH LICA

U toku 2015. godine **prijavljena su 72 maloljetnika** zbog postojanja osnova sumnje da su **izvršili 132 krivična djela**. U poređenju sa 2014. godinom, **broj krivičnih djela** za čije izvršenje su prijavljena maloljetna lica **smanjen je za 90 ili 40,5%, a broj prijavljenih maloljetnih učinilaca** ovih djela **smanjen je za 62 ili 46,3%**.

Pregled broja maloljetnih izvršilaca krivičnih djela za period januar-decembar 2015. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	9	29	34	72

Među maloljetnim učiniocima krivičnih djela, najveći broj je u dobi do 16 godina (38), dok je povratnika u izvršenju krivičnih djela bilo 25 (ili 34,7%).

Najbrojnija su krivična djela protiv imovine – 91 (ili 68,9%), pri čemu prevladavaju razbojništva (38 ili 41,8%).

Kada su u pitanju krivična djela protiv života i tijela, maloljetnici su prijavljeni za izvršenje sedam krivičnih djela iz ove oblasti (16 ili 69,6% manje u odnosu na 2014. godinu) i to: nanošenje teške tjelesne ozljede – četiri i nanošenje lahke tjelesne ozljede – tri. U protekloj godini maloljetna lica su prijavljena za izvršenje pet krivičnih djela protiv spolne slobode i morala, te 10 krivičnih djela nasilničkog ponašanja.

Pregled registrovanih krivičnih djela izvršenih od strane maloljetnih lica
za period januar- decembar 2015/2014. godine

Naziv krivičnog djela	2015.	2014.	+ - %
Ubistvo u pokušaju		2	-100,0
Teška tjelesna ozljeda	4	13	-69,2
Lahka tjelesna ozljeda	3	7	-57,1
Učestvovanje u tuči		1	-100,0
Ugrožavanje sigurnosti	1	4	-75,0
Neovlašćeno optičko snimanje	1		
Silovanje	1	1	0,0
Prinuda na spolni odnošaj	1		
Bludne radnje	1		
Iskorišćavanje djeteta ili maloljetnika radi pornografije	2		
Nasilje u porodici	5	11	-54,5
Neovlaš. proizvod. i stav. u promet opojnih droga	1	1	0,0
Posjedov. i omoguć. uživanja opoj. droga	5	19	-73,7
Krađa	10	12	-16,7
Krađa-pokušaj	1		
Teška krađa	12	47	-74,5
Teška krađa-pokušaj		6	-100,0
Teška krađa na naroč. opasan ili naročito drzak način	22	27	-18,5
Razbojništvo	38	20	-90,0
Razbojništvo- pokušaj	3	4	-25,0
Razbojništvo-pomaganje		2	-100,0
Utaja	2		
Oštećenje tuđe stvari	4	17	-76,5
Paljevina		2	-100,0
Izazivanje opće opasnosti	3	3	0,0
Izazivanje opće opasnosti-pomaganje		1	-100,0
Nesavjesno čuvanje pasa i dr. opasnih životinja	1	1	0,0
Učestvovanje u grupi ljudi koja učini krivično djelo		2	-100,0
Napad na sl. osobu u vršenju poslova sigurnosti		8	-100,0
Nasilničko ponašanje	9	6	+50,0
Nasilničko ponašanje-produženo krivično djelo	1		
Nedozvoljeno držanje oružja i eksp. materija		2	-100,0
Povreda mira pokojnika	1	1	0,0
ZONDINOM (čl. 52)		2	-100,0
ukupno	132	222	-40,5

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO - EKSPLOZIVNIH SREDSTAVA

U toku 2015. godine na području Kantona Sarajevo registrovano je 29 slučajeva aktiviranja minsko-eksplozivnih sredstava (šest ili 26,1% više u odnosu na isti period 2014. godine). U dva slučaja je aktiviranjem ručne bombe počinjeno samoubistvo, dok su svi ostali slučajevi imali obilježja krivičnog djela izazivanja opće opasnosti. Eksplozije su za posljedicu imale smrt dva lica (samoubistvo), te materijalnu štetu na stambenim, ugostiteljskim i poslovnim objektima, kao i na putničkim vozilima. Za sada su u pet slučajeva identifikovani učinioci i protiv njih su preduzete zakonske mjere.

Policijski službenici su u toku prethodne godine rasvijetlili slučaj aktiviranja eksplozivne naprave ispred ugostiteljskog objekta na području općine Novo Sarajevo koji se dogodio u julu 2014. godine, a protiv učinioca (P.I.-1986.) je podnesen službeni izvještaj nadležnom tužilaštvu.

U proteklom periodu registrovano je šest slučajeva bacanja tzv. Molotovljeva koktela na tri stambena objekta, u ugostiteljski objekat, salon ljepote i na garažu kojom prilikom je nastupila manja materijalna šteta. U jednom slučaju identifikovana su dva lica kao izvršioци krivičnog djela paljevina. Takođe, registrovana su i dva slučaja postavljanja eksplozivne naprave na prozoru i na ulaznim vratima hotelskog i poslovnog objekta, koje su od strane KDZ MUP-a KS demontirane.

U periodu januar-decembar 2015. godine registrovano je devet anonimnih dojava o postavljenim eksplozivnim napravama (u uporednom periodu 10). Identifikovani su izvršioци koji su uputili lažne dojave koje su se odnosile na avion Turkish Airlinesa (S.V.- 1983.), Medicinski fakultet (B.F.-1994.), srednju školu na Drveniji (Ć.E.-1998. godine), ugostiteljski objekat na području općine Ilijaš (R.E.-1990. godine), te na trolejbus (L.A.-1980. godine) i protiv njih su preduzete zakonske mjere.

Rasvijetljen je i slučaj upućivanja lažne dojave o postavljenoj eksplozivnoj napravi u Gazihusrefbegovoj medresi, (oktobar 2014.), a protiv učinilaca (B.Z.- 1996. i D.H.-1996.) je podnesen službeni izvještaj nadležnom tužilaštvu.

POŽARI

Tokom 2015. godine, na području Kantona Sarajevo registrovan je 181 požar (15 više) u kojem su dva lica poginula.

Prema statističkim pokazateljima, 101 požar je izazvan namjerno, 25 zbog tehničkih nedostataka, 10 je prouzrokovano nehatom, dok uzroci 45 požara spadaju u kategoriju ostalih.

SAMOUBISTVA

U toku 2015. godine na području Kantona Sarajevo registrovano je 27 samoubistava (dva manje), koja su izvršena skokom sa visine – deset puta, vješanjem - sedam, upotrebom vatrenog oružja – šest, trovanjem tabletama i aktiviranjem ručne bombe - po dva.

Prema polu, izvršioци su 23 muškarca i četiri žene, od kojih je jedno lice u dobi do 18 godina, 13 lica od 18 do 50 i 13 lica u dobi preko 50 godina.

JAVNI RED I MIR

Policijski službenici su u toku 2015. godine, zbog raznih oblika narušavanja javnog reda i mira uručili/ podnijeli ukupno **6.360** prekršajnih **naloga i zahtjeva** za pokretanje prekršajnog postupka (naloga – 4.995, zahtjeva – 1.365), što u odnosu na 2014. godinu predstavlja **povećanje za 779 ili 14%**.

Prekršajne sankcije preduzete su **protiv 6.770 lica (696 ili 11,5% više)**.

Prilikom narušavanja javnog reda i mira u periodu januar-decembar 2015. godine, u slučajevima kada se radilo o prekršajima, nije bilo teže povrijeđenih lica (u uporednom periodu četiri), dok je **lakše povrijeđeno 305 lica** (89 ili 22,6% manje).

Od ukupnog broja prekršajnih sankcija, 5.788 ili 91% odnosi se na prekršaje utvrđene Zakonom o prekršajima protiv javnog reda i mira, a 572 ili 9% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 1.082 ili 17% prekršajnih sankcija, 54 na maloljetna lica i sedam na strane državljane.

S obzirom na starosnu strukturu lica protiv kojih su u protekloj godini preduzete prekršajne sankcije (ukupno 6.770), najveći broj je onih starosne dobi preko 36 godina (3.676), zatim starosti između 26 i 35 godina (1.873) i između 19 i 25 godina (1.156), dok je maloljetnih učinilaca prekršaja bilo 65 i oni su javni red i mir narušavali uglavnom tučama.

Prema strukturi prekršaja iz oblasti javnog reda i mira, najbrojnija su **prosjačenja - 3.442** (ili 54,1% od ukupnog broja), zatim **tuče - 652** (ili 10,3%), **naročito drsko ponašanje - 586** (ili 9,2%) i **odbijanje naređenja i omalovažavanje policijskih službenika - 391** (ili 6,1%). Znatno manje prekršaja učinjeno je svadom, vikom i nepristojnim ponašanjem - 84, paljenjem petardi - 25, uživanjem opojne droge na javnom mjestu – pet, te neovlaštenom upotrebom oružja –četiri.

Zbog svih ostalih prekršaja preduzeto je 599 prekršajnih sankcija. Preostala 572 prekršaja sankcionisana su u skladu sa odlukom općinskih vijeća o javnom redu i miru.

Tabelarni pregled strukture prekršaja iz oblasti javnog reda i mira
za period januar-decembar 2015./ 2014.godina

STRUKTURA PREKRŠAJA	2015.	2014.	upredba
UKUPNO NALOGA I ZAHTJEVA	6.360	5.581	+779 ili 14%
UKUPNO LICA	6.770	6.074	+696 ili 11,5%
Prekršaji iz Zakona o prekršajima protiv JRiM:	5.788	5.239	+549 ili 10,5%
<i>-Tuče</i>	652	714	-62 ili -8,7%
<i>-Naročito drsko ponašanje</i>	586	648	-62 ili -9,6%
<i>-Odbijanje naređenja i omalov. policijskih sl.</i>	391	394	-3 ili -0,8
<i>-Svađa, vika, nepristojno ponašanje</i>	84	94	-10 ili -10,6%
<i>-Uživanje opojne droge na javnom mjestu</i>	5	7	-2 ili -28,6%
<i>-Neovlaštena upotreba oružja</i>	4	2	+2 ili 100%
<i>-Paljenje petardi</i>	25	15	+10 ili 66,7%
<i>-Prosjačenje</i>	3.442	2.869	+573 ili 20,%
<i>-Ostali prekršaji iz Zakona o prekrš. protiv JRiM</i>	599	496	+103 ili 20,8%
Prekršaji prema Odluci OV o JRiM	572	342	+230 ili 67,3%

U odnosu na 2014. godinu, smanjen je broj prekršaja koji su učinjeni tučama, naročito drskim ponašanjem, odbijanjem naređenja i omalovažavanjem policijskih službenika,

svađama i uživanjem opojne droge, dok je u svim ostalim slučajevima došlo do povećanja.

Prema mjestu izvršenja, najveći broj prekršaja učinjen je na **ulici i na drugim otvorenim prostorima- 5.595 (ili 88%)**, a znatno manje u ugostiteljskim objektima- 211 (ili 3,3%), u trgovinskim i zanatskim radnjama- 34, na sportskim terenima- 30, u školama- 15, vozilima javnog saobraćaja- šest i na ostalim mjestima- 469 prekršaja.

Tabelarni pregled broja prekršajnih sankcija prema mjestu izvršenja u periodu januar-decembar 2015./2014. godine

MJESTO IZVRŠENJA	2015.	2014.	uporedba
Ulice i drugi otvoreni prostori	5.595	4.937	+658 ili 13,3%
Ugostiteljski objekti	211	192	+19 ili 9,9%
Sportski stadioni i dvorane	30	16	+14 ili 87,5%
Vozila javnog saobraćaja	6	18	-12 ili -66,7%
Škole i školska dvorišta	15	32	-17 ili -53,1%
Trgovinske i zanatske radnje	34	30	+4 ili 13,3%
Ostala mjesta	469	356	+113 ili 31,7%
UKUPNO	6.360	5.581	+779 ili 14%

U odnosu na 2014. godinu, u protekloj godini smanjen je broj prekršaja koji su registrovani u školama i školskim dvorištima, te u vozilima javnog prevoza, dok je na svim ostalim mjestima došlo do povećanja.

Pored prekršajnih sankcija zbog prekršaja izvršenih u školama i školskim dvorištima (15), policijski službenici su u periodu januar-decembar 2015. godine zbog krivičnih djela izvršenih na ovom lokalitetu, nadležnom tužilaštvu podnijeli 15 službenih izvještaja (sedam ili 31,8% manje). Radi se o sljedećim krivičnim djelima:

- fizički napadi- četiri djela,
- razbojništva- dva,
- teške krađe na naročito drzak i opasan način- dva,
- teške krađe- dva,
- nasilničko ponašanje- jedno djelo,
- oduzimanje djeteta ili maloljetnika (od strane majke bez znanja oca)- jedno,
- utaja- jedno,
- razbojništvo u pokušaju- jedno i
- izazivanje opće opasnosti- (lažna dojava o postavljenoj bombi u školi)- jedno djelo.

Policijski službenici su u toku 2015. godine učestvovali u osiguranju 1.827 javnih skupova koji su održani na području Kantona Sarajevo (427 manje u odnosu na 2014. godinu), a u 417 slučajeva izvršeno je KDZ osiguranje ovih skupova (11 više). Preduzimane su planske i organizovane aktivnosti kako bi svi skupovi, kao što su sportske, kulturne, vjerske i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno.

Posebne i pojačane aktivnosti preduzimane su povodom posjete poglavara Vatikana pape Franje Sarajevu 06. juna 2015. godine. Službenici Uprave policije MUP-a Kantona Sarajevo postupali su po Operativnom planu provođenja mjera saobraćajnog, fizičkog, operativnog i KDZ osiguranja trasa kretanja i mjesta zadržavanja pape Franje prilikom njegove posjete BiH i Sarajevu. Osiguranje je proteklo bezbjedno, bez ijednog incidenta i na zadovoljavajućem nivou.

Policijski službenici MUP-a Kantona Sarajevo su učestvovali u osiguranju manifestacije centralnog programa Dočeka Nove 2016. godine koja je održana na platou ispred BBI centra. Tom prilikom nisu zabilježeni slučajevi narušavanja javnog reda i mira.

SAOBRAĆAJ

U toku 2015. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom i broja povrijeđenih lica, dok je smanjen broj poginulih lica. Broj nezgoda sa nastradalim licima isti je kao 2014. godine.

Registровано je 11.475 saobraćajnih nezgoda (501 ili 4,6 % više), 10.575 sa materijalnom štetom (501 ili 5 % više) i 900 sa nastradalim licima (isto kao 2014. godine).

U saobraćajnim nezgodama na području Kantona Sarajevo 1.221 lice je nastradalo (19 ili 1,6 % više). Petnaest lica je poginulo (četiri ili 21 % manje), dok je 1.206 lica povrijeđeno (23 ili 1,9 % više), 176 teže i 1.030 lakše.

Među poginulim licima evidentirano je osam vozača i sedam pješaka.

Od ukupno 1.206 povrijeđenih lica, 544 su vozača (12 manje), putnika – 402 (jedan manje) i pješaka - 260 (36 više). Kada je u pitanju stepen povreda, 59 vozača je teže, a 485 lakše povrijeđeno, 39 putnika je teže, a 363 lakše povrijeđeno, dok je 78 pješaka teže a 182 lakše povrijeđeno.

U naselju su registrovane 10.854 saobraćajne nezgode (15 sa poginulim, 825 sa povrijeđenim licima i 10.014 sa materijalnom štetom), van naselja 621 nezgoda (60 sa povrijeđenim licima i 561 sa materijalnom štetom).

Registровано je 3.008 saobraćajnih nezgoda na raskrsnicama u naselju, 571 na raskrsnicama van naselja, 43 na pješačkom prelazu, 29 na nadvožnjaku, devet na mostu, dvije u tunelu, dvije na prelazu preko željezničke pruge i 7.811 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
2015/2014.godine

	2015	2014	+,-,%
UKUPNO SAOBRAĆAJNIH NEZGODA	11.475	10.974	+ 501 ili 4,6 %
Saobraćajne nezgode sa nastradalim licima	900	900	isto
Saobraćajne nezgode sa materijalnom štetom	10.575	10.074	+ 501 ili 5 %
POGINULO LICA	15	19	- 4 ili 21 %
- vozači	8	7	+ 1 ili 14,3 %
- putnici	0	2	- 2
- pješaci	7	10	- 3 ili 30 %
POVRIJEĐENO LICA	1.206	1.183	+ 23 ili 1,9 %
- vozači	544	556	- 12 ili 2,1 %
- putnici	402	403	- 1 ili 0,2 %
- pješaci	260	224	+ 36 ili 16,1 %

Broj nastradalih lica u saobraćajnim nezgodama po kategoriji učesnika
2015/2014 godine

	POGINULI			TEŠKO POVRIJEĐENI			LAKŠE POVRIJEĐENI		
	2015	2014	+,-,%	2015	2014	+,-,%	2015	2014	+,-,%
VOZAČI	8	7	+ 1 ili 14,3 %	59	54	+ 5 ili 9,2 %	485	502	- 17 ili 3,4 %
PUTNICI	0	2	- 2	39	47	- 8 ili 17 %	363	356	+ 7 ili 2 %
PJEŠACI	7	10	- 3 ili 30 %	78	79	- 1 ili 1,3 %	182	145	+ 37 ili 25,5 %
UKUPNO	15	19	- 4 ili 21 %	176	180	- 4 ili 2,2 %	1.030	1.003	+ 27 ili 2,7 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 255 lica, od 25 do 30 godina – 173 lica, od 41 do 50 godina – 157 lica, od 21 do 24 godine – 148 lica, od 51 do 65 godina – 140 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 9.515 (četiri lica poginula i 657 povrijeđeno), neprilagođena brzina- 1.798 (oam lica poginulo i 478 lica povrijeđeno), uticaj alkohola – 151 (dva lica poginula i 68 lica povrijeđeno), uticaj opojnih droga – pet (jedno lice poginulo, tri lica povrijeđena), neispravan uređaj za kočenje – tri (bez nastradalih lica), neispravan pneumatik – dvije saobraćajne nezgode (bez nastradalih lica) i neispravan uređaj za upravljanje – jedna saobraćajna nezgoda (bez nastradalih lica).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 249.915 vozila (43.450 više).

Zbog tehničke neispravnosti, iz saobraćaja su isključena 1.674 vozila (1.272 više), 3.880 vozača je zatečeno da upravljaju vozilom pod dejstvom alkohola (586 više), 6.105 bez korištenja sigurnosnog pojasa (2.739 manje), 2.864 bez položenog vozačkog ispita (247 više), a 2.437 vozača je učestvovalo u saobraćaju bez važeće registracije (255 više).

Zbog kršenja propisa iz oblasti sigurnosti saobraćaja uručena je 191.424 prekršajna naloga vozačima (38.899 više), podneseno 820 zahtjeva za pokretanje prekršajnog postupka (83 manje) i registrovano 89 krivičnih djela zbog ugrožavanja sigurnosti javnog prometa (25 više).

MIRUJUĆI SAOBRAĆAJ I KONTROLA PJEŠAKA

Tokom 2015. godine, pripadnici Uprave policije su uručili 78.679 prekršajnih naloga vozačima koji nisu poštivali saobraćajne propise prilikom parkiranja (23.770 više u odnosu na 2014. godinu), upozorili 5.111 vozača (429 manje), a specijalnim vozilom „pauk“ su premjestili 2.650 vozila (167 više). Zahtjeva za pokretanje prekršajnog postupka nije bilo.

Takođe, upozoreno je 1.250 pješaka (305 manje) i uručeno 1.079 prekršajnih naloga pješacima (355 manje). Zahtjeva za pokretanje prekršajnog postupka nije bilo.

ZAKONITOST U RADU

Tokom 2015. godine, registrovano je 18 napada na policijske službenike (32 manje). U napadima je učestvovalo 18 poznatih i dva nepoznata lica.

Policijski službenici su tokom izvještajnog perioda 41 put opravdano upotrijebili silu (10 manje)U toku 2015. godine, razmatrane su 292 predstavke, među kojima je za 91 predstavku (oam više) data saglasnost za sprovođenje unutrašnjih istraga, dok je za 201 predstavku donesen zaključak da je neosnovana.

Postupano je po 34 predstavke iz ranijeg perioda, tako da je rješavano ukupno 125 predstavlki (25 više).

Okončano je 108 unutrašnjih istraga, među kojima su 32 bile bez dovoljno dokaza, 25 je neosnovanih, u 21 slučaju postupak je obustavljen zbog zastare, 17 predstavlki je osnovano, u 11 slučajeva stranka je odustala od žalbe, dok je u dva slučaja predstavlka oslobađajuća.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2014.“

U 2015. godini evidentirano je 108 krivičnih djela koja su regulisana Zakonom o nabavljanju, držanju i nošenju oružja i municije (21 više), počinjena od strane 113 lica, od kojih su 52 lišena slobode.

Od strane Policijskih uprava fizičkim licima izdata su 1.073 odobrenja za nabavku vatrenog oružja (192 više), 1.498 oružnih listova (292 više) i izvršeno 165 zamjena oružnih listova za fizička lica (30 više).

U sklopu aktivnosti na oduzimanju nelegalno posjedovanog oružja i drugih predmeta oduzeto je: 95 pištolja, 29 pušaka, 286 komada „noževa, mačeva, sablji, bajoneta i sl.“, šest ručnih bombi, 38 boksera, 2.190 kom. municije različitog kalibra, 1.769 komada petardi, itd.

RAD POLICIJE U ZAJEDNICI

U okviru Rada policije u zajednici tokom 2015. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom periodu izdvajamo sljedeće:

- Ostvarivana je saradnja sa “Sarajevskim otvorenim centrom” u provođenju projekta “Coming out! Zagovaranje i zaštite prava LGBT osoba”- nastavak dalje saradnje na treninzima i senzibiliziranju policijskih službenika u radu sa LGBT osobama u Kantonu Sarajevo, u organizaciji i pod pokroviteljstvom Kancelarije Europske komisije u BiH. S tim u vezi, povodom obilježavanja međunarodnog dana borbe protiv homofobije i transfobije, policijski službenici su prisustvovali Regionalnoj konferenciji pod nazivom „Izvan

zakona: pravna regulacija životnih zajednica osoba istog spola“. Na istoj je predstavljen Prednacrt Zakona o životnim zajednicama istospolnih parova za LGBT zajednicu za FBiH i RS. Takođe, u Gradskoj galeriji „Collegium Artisticum“ je otvorena izložba „Sva ljudska bića rađaju se slobodna i jednaka u dostojanstvu i pravima“, na kojoj su predstavnicima Radija Slobodne Evrope i MUP-a Kantona Sarajevo – Mariji Arnautović i Josipu Bilandžiji, dodijeljena priznanja-nagrade za isticanje u zaštiti i promociji prava LGBT osoba u Bosni i Hercegovini;

- U sklopu realizacije aktivnosti iz “Akcijskog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016.” održani su sastanci i predavanja u dvije srednje škole na temu “Neka znanje bude tvoje jedino oružje”. Osim navedenog, u saradnji sa Centrom za promociju civilnog društva BiH, u prostorijama ovog centra su organizovane radionice namijenjene roditeljima na temu „Međuvršnjačko nasilje i zloupotreba droga“.
- Obavljane su pripreme održavane tribine u 11 osnovnih škola na području općine Centar pod nazivom „Ubojito sredstvo u džepu maloljetnika“, a u okviru projekta „Etika u filozofiji življenja“;
- Od 12 do 16. 06. 2015. godine uspješno je održan 12. Kids festival;
- Takođe, organizovane su brojne druge aktivnosti u vezi plana za prevenciju maloljetničkog prijestupništva, te ostvarivana saradnja sa raznim subjektima, organima i organizacijama.
- Sudjelovanje u radu radne grupe na provođenju projekta-kampanje "Rad policije/borba protiv nasilja u obitelji" u cilju senzibiliziranja građana i ukupne javnosti, te ohrabrivanja i poticanja prijave slučajeva iz ove oblasti, kao i šire poticanje i ohrabrivanje suradnje policije i građana, razvijanje povjerenja u obostranom interesu.
- Sudjelovanje u provođenju mini-kampanje „Sigurnost pješaka u zajednici“;
- Urađen je prijedlog sporazuma o suradnji između MUP-a KS i Udruženja građana Vive žene-Tuzla, i dr. koji daje okvir za suradnju i podršku za provođenje projekta “Osiguranje pristupa pravdi za svjedoke/žrtve kroz jačanje postojećih i uspostavljanje novih mreža podrške svjedocima u Bosni i Hercegovini”, na području Kantona Sarajevo.
- Za regionalnu konferenciju „Reforma policije i eurointegracije, na zahtjev FMUP-a je pripremljen odgovor na temu razvoja policije u zajednici u KS u periodu od 1995-2015. godine.

POSLOVI ADMINISTRACIJE

Odjeljenje putnih isprava

U izvještajnom periodu ukupno je izdato 69512 pasoša.

(56,4% više u odnosu na period januar – decembar 2014. godine kada je izdato 44437 pasoša)

Lične karte 46044

(61% manje u odnosu na period januar-decembar 2014. godine – 118577 LK)

Vozačke dozvole 31863

(48% manje u odnosu na period januar-decembar 2014. godine – 61319 VD)

Sarajevo, 20.01.2016.godine

MUP Kantona Sarajevo
Odjeljenje za odnose sa javnošću